

## I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

### DIPUTATU NAGUSIAREN SAILA

**Foru Gobernu Kontseiluaren 287/2019 Erabakia, maiatzaren 3koa. Onestea lurralde historiko honetako foru sektore publikoko datuak babesteko ordezkariaren eginkizunak aldi baterako esleidi dakizkiola Diputatu Nagusiaren Kabinetearen Zuzendaritzako Idazkaritza Teknikoko eta Herritarrak Atenditzeko Zerbitzuaren buruari**

Datuak Babesteko Europako Erregelamendu Orokorrak (2016/679 Erregelamendua, apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazioari dagokienez pertsona fisikoak babesteari buruzkoa) 37.1 artikuluan xedatzen du ezen, datu pertsonalen tratamendua aginte edo organismo publiko batek egiten duen guztietan, datuak babesteko ordezkari bat izendatu beharra dagoela.

Beste alde batetik, 37.3 artikuluan xedatzen du tratamenduaren arduraduna edo erantzulea agintaritza edo organismo publiko bat baldin bada, datuak babesteko ordezkari bakarria izendatu ahal izango dela agintaritza edo organismo horietako bat baino gehiagotarako, haien antolaketa egitura eta tamaina kontuan izanik.

Gobernu Kontseiluaren abuztuaren 3ko 420/2018 Erabakiaren bidez, Yeray Marin Maria datuak babesteko ordezkari izendatu zen aldi baterako, dela programako bitarteko funtzionario bezala datuak babesteko ordezkari izendatzea azkendu arte, dela datuak babesteko ordezkariaren eginkizunak esleiturik dauzkan lanpostu berri bat hornitu arte, Diputatu Nagusiaren Saileko lanpostu zerrendaren barruan.

Gaur egun izapidetan dago lanpostu bat sortzea, zeinaren titularrak bere gain hartuko baititu datuak babesteko ordezkariaren eginkizunak, eta onetsi da Yeray Marin Mariak datuak babesteko teknikari postuari uztea, maiatzaren 2tik aurrerako ondorioekin. Hortaz, datuak babesteko ordezkari berri bat izendatu behar da.

Horregatik, diputatu nagusiak proposatuta eta Foru Gobernu Kontseiluak gaur bertan egingadako bileran azertu ondoren, honako hau

#### ERABAKIA

Lehenengoa. Datuak babesteko ordezkariaren eginkizunak aldi baterako esleitzea Diputatu Nagusiaren Kabinetearen Zuzendaritzako Idazkaritza Teknikoko eta Herritarrak Atenditzeko Zerbitzuaren buruari.

Bigarrena. Datuak babesteko ordezkari bezala bete beharreko eginkizunak hauek izango dira:

1. Tratamenduaren arduradun edo erantzuleari eta tratamendua egiten duten Arabako Foru Aldundiko langileei informazioa eta aholku ematea datuen babesaren gaian aplikatzekoa den araudiaren ondorioz dagozkien eginbeharrez.

2. Ikuskatzea datuen babesari buruzko araudian xedatutakoa betetzen den, eta tratamenduaren arduradun edo erantzulearen politikak datu pertsonalen babesaren gaian, barnean daudela arduren esleipena, tratamendu lanetan parte hartzen duten langileen kontzientziazioa eta prestakuntza eta dagozkion auditoretzak.

3. Eskatzen zaion aholkularitza ematea datuen babesarekin loturiko inpaktu ebaluazioaz, eta horren aplikazioa ikuskatzea.

4. Kontrol agintaritzarekin elkarlanean aritzea.

5. Kontrol agintaritzaren kontaktu puntu bezala jardutea tratamenduarekin loturiko kontuetarako, barnean dagoela aplikatzekoa den araudian aurreikusten den alde aurreko kontsulta, eta beste edozein gairen inguruko kontsultak egitea, hala badagokio.

6. Datuen babesaren arloko lege antolamenduak ordezkariarentzat aurreikusitako gainerako eginkizun guztiak betetzea.

Hirugarrena. Erabaki honek onesten den egunetik aurrera izango ditu ondorioak, ALHAOn argitaratzen den eguna gorabehera.

Laugarrena. Izendapenaren indarraldiak iraungo du datuak babesteko ordezkari eginkizuna esleiturik daukan lanpostu berri bat hornitu arte, Diputatu Nagusiaren Saileko lanpostuen zereendaren barruan.

Bosgarrena. Datuak Babesteko Europako Arautegi Orokorraren 37.7 artikuluan araututakoarekin bat etorritik, argitara emango dira datuak babesteko ordezkariaren beharrezko datuak, berekin harremanetan jarri ahal izateko, eta haien berri emango zaio kontrol agintaritzari.

Gasteiz, 2019ko maiatzaren 3a

*Diputatu nagusia*

**RAMIRO GONZALEZ VICENTE**

*Diputatu Nagusiaren Kabineteko zuzendaria*

**NEKANE ZEBERIO GANZARAIN**